

ԿՈՎԿԱՍԻ ՓՈԽԱՐՔԱՅԻ ՎԵՐԱԴԱՐՁԻ ԱՌԻԹՈՎ.

Անցեալ կիրակի, նոյեմբերի 2-ին, Կովկասի Փոխարքայ կոմս Վորոնցով-Դաշկովն իր ընտանիքով ժամանեց Թիֆլիզ:

Կովկասի ամբողջ ազգաբնակութիւնն առանձին անհամբերութեամբ սպասում էր այդ գալստեան:

Բազմացեղ և բազմալեզու երկրի շատ քիչ ղեկավարներ այնպիսի խորը յարգանք ու անկեղծ սէր են վայելել, որպիսին երկրի ներկայ ղեկավարը:

Շատ դժուար շրջանում՝ նա կոչուեց երկրի բարձր ու պատասխանատու պաշտօնի: Մի կողմից կեանքը հրապարակի վրայ էր դրել ամբողջ Ռուսաստանի, հետևաբար և նրա անբաժան մասի — Կովկասի վերանորոգութեան պահանջը, միւս կողմից՝ մեր երկիրը ասպարէզ էր ազգադաւ ու եղբայրասպան այնպիսի արիւնհեղութիւնների, որ անկարող էին դարձնում երկրի համար բարենորոգումների իրագործումը:

Այդպիսի բարդ պարագաներում կոմս Վորոնցով-Դաշկովը ցոյց տուեց իսկական վարչագէտին յատուկ հրատապութիւն և իր բարձր պաշտօնին պատիւ բերող մարդասիրութիւն:

Նա բարձրացրեց իր պաշտօնի պրէստիժը:

Կովկասը յարգում, սիրում է իր իշխանաւորին, այսօրանը բաւական է, որ սև ու մութ ոյժեր — Ռուսաստանի խաղաղացման և զարգացման իսկական թշնամիները — իրանց ինտրինգները լարէին և փորձէին դժուարացնել մեր երկրի խաղաղ զարգացման գործը և, եթէ կարելի է, նոյնիսկ ընդհատել ներկայ ղեկավարի բարերար գործունէութիւնը:

Եւ ամեն անգամ, երբ Փոխարքան գնում էր մայրաքաղաք, սկիզբն էին առնում թեր ու դէմ լուրեր, թէ «Կովկասը պէտք է նորից յետ նուաճել», որ մեզ համար հաւասար էր հին՝ Գօլիցինեան աղետաբեր լէժիմի դարձին:

Երբ վերջին անգամ կոմսը մեկնեց Ռուսաստան, այդ

լուրերը կարծես առանձին յամառութիւն ստացան և բամբասառէր ու զրպարտող մամուլը ձայնակցեց խաւար ոյժերին:

Ահա թէ ինչո՞ւ Կովկասը ջղայնութեամբ սպասում էր կոմսի այս անգամուայ դարձին, ահա թէ ինչո՞ւ այնքան գրկաբաց ընդունեց նա իր սիրելի իշխանաւորին:

Կովկասի Փոխարքայի անձի հետ կապուած է մեր երկրի անհրաժեշտ բարենորոգումների իրականացման խնդիրը:

Փոխարքայի վերադարձը Կովկասի համար գաղափարի յաղթանակի նշանակութիւն ունի:

ՄԱՆՐ ԼՈՒՐԵՐ

Փրկութեան բանակը. — Փրկութեան բանակը հիմնել է Սամուէլ Բուտը (ծն. 1829 թ.) 1865 թ. որի ճիւղաւորութիւնները տարածուած են բոլոր քաղաքակիրթ երկրներում: Բարու և ճշմարտութեան դադափորների եռանդուն քարոզութիւնների շնորհիւ նրան յաջողուած է ստորագրութիւն բանալով ահագին գումար ժողովել, որպէս զի հիմնուեն արհեստանոցներ, ապաստաններ, գաղութներ, պահեստներ և այլ այնպիսի հիմնարկութիւններ, որ փրկութեան բանակի անդամները կարողանային ապաստան, աշխատանք և սնունդ ստանալ: Փրկութեան բանակի առաջնորդներն ու քարոզիչները գլխաւորապէս յարձակուում են արկածախառն դէմ: Եւ շնորհիւ եռանդուն ճառերի, որոնցով նրանք ցոյց են տալիս արեւեցողութեան սարսափելի վնասները, փրկութեան բանակը խտացել է շարքերը լրջութեան ձգտումներով անգործութեան ընդմիջութիւն անձերով: Ամեն օր, երեկոյեան ժամի 7-ին փրկութեան բանակին պատկանող բոլոր համայնքների ապաստաններում տեղի է ունենում երեկոյեան պաշտամունքը, որին ներկայ գտնուելը անդամների համար կամաւոր է: Սակայն միշտ մասնակցողները բաղմամբ են լինում, և այդ անբաղդ, անտուն, կեանքի կռոււմ ընկած մարդկանց մէջ, որոնք օգնութիւն են որոնում փրկութեան բանակում, տիրապետում է կատարեալ կարգ,